



Notat

Dato: 28.09.2017
Arkivsak: 2015/10391-8
Saksbehandlar: sunschu

Til: Utval for opplæring og helse
Fylkesutvalet

Frå: Fylkesrådmannen

Melding om administrative endringar i lokal forskrift om inntak og formidling

I medhald av § 29 (1) i lokal forskrift om inntak og formidling har fylkesrådmannen gjort mindre endringar i forskrifta. Etter endringar i ulike rundar har ein hatt ei forskrift som både har referansar til ledd som (2) og andre ledd. Desse er no konsekvent skrivne som andre ledd.

Inntak av gjesteelevar og elevar frå Hordaland som søker seg til tilbod i andre fylke, er regulert i § 2 andre og fjerde ledd. Ordninga med gjesteelevar er endra, sjå forskrift til opplæringslova § 6-4. Søknadene vert no sendt vertsfylket, det er laga ny prioriteringsrekjkjefølge og ein ny kategori er komen til, prioriterte gjesteelevar. Ein treng difor ikkje føresegna om gjesteelevar i den lokale inntaksforskrifta, og andre og fjerde ledd vert strokne. Tidlegare tredje ledd og utover får ny nummerering.

Forskrift til opplæringslova § 6-4 er endra til § 6-3, og referansar til denne føresegna må difor endrast. Dette gjeld § 17 første ledd og § 28 første ledd. Innhaldet er ikkje endra.

Søknader om å endre status frå heiltidselev til deltidselev er fastsett i § 11. Søknadene vert etter fast praksis handsama av skulane. Dette er ikkje skriftleggjort, og for ordens skuld ønskjer ein å gjere det. Det er òg lagt inn ein referanse til forskrift til opplæringslova § 6-5 tredje ledd som omhandlar temaet.

Elevar som fekk ta gjennomgåande fag på nytt etter særskild avtale skuleåret 2015/16, fekk fullføre desse faga skuleåret 2016/17. Dette vart fastsett i § 14 andre ledd. Denne føresegna vert stroken, då den ikkje er aktuell lenger.

I § 15 tredje ledd er det at søker skal få melding om avvist søknad, skilt ut i eit eige ledd. Fylkesrådmannen har gjort tredje ledd til ein del av andre ledd, då det er same føresegna som ligg til grunn.

For elevar som flyttar til Hordaland har ein sett 23. juni som frist for innsending av dokumentasjon, jf. § 16 tredje ledd. Fylkesrådmannen har presisert at dette gjeld for at søknaden skal kome med i første inntaksomgang.

Paragraf 24 inneholder regler for søknadsfrist til IB, og for flytting etter fristen vart det vist til tidlegare føresegn § 14. Dette er retta til § 16.

Endringane er handsama i leiargruppa i opplæringsavdelinga 02.10.17. Revidert forskrift ligg som vedlegg og er publisert på hordaland.no og lovdata.no.

Lokal forskrift om inntak til vidaregående opplæring og formidling til lærepass i Hordaland fylkeskommune

Heimel: Fastsett av fylkestinget i Hordaland 8.12.2015 med heimel i forskrift til opplæringslova av 23.6.2006 nr. 724 § 6-2 og § 6A-2. Paragrafane 11, 13 og 14 vart sist endra 3.10.2016 ved administrativ avgjerd. Paragrafane 2 og 4 vart sist endra 20.12.2016 etter fullmakt frå fylkestinget. Paragrafane 2, 11, 14 og 15 vart sist endra 2.10.2017 ved administrativ avgjerd.

Kapittel 1. Inntak

§ 1 Formål og virkeområde

- (1) Inntak til vidaregående opplæring er generelt regulert ved lov om grunnskolen og den vidaregående opplæringa (opplæringslova) av 17.7.1998 nr 61 § 3-1, forskrift til opplæringslova av 23.6.2006 nr. 724, kap. 6 og kap. 6A. Denne forskriften gjeld alt inntak til offentlege vidaregående skular, samt formidling av lærlingar og lærekandidatar i Hordaland fylkeskommune.

§ 2 Regionalt / karakterbestemt inntak

- (1) I Hordaland fylkeskommune er det kapasitetsstørt fritt skuleval. Dette inneber at ein søker står fritt til å søkje seg inn på skular i heile Hordaland uavhengig av bustad.
- (2) Søkjarar busette i enkelte grenseområde med andre fylke vert behandla i høve til eigne avtalar mellom fylkeskommunane.
- (3) Elevar som får urimeleg lang reisetid har rett til inntak på nærskulen etter skjønsmessig vurdering. For å få rett til slik vurdering må eleven ha ført opp nærskulen som sitt førsteval.

§ 3 Inntak til Vg1

- (1) Søkjar må prioritere tre utdanningsprogram ved innsøking til Vg1. Innanfor kvart utdanningsprogram kan det prioriterast inntil seks skular.
- (2) Inntaket vert gjort på bakgrunn av poengsum (karakterpoeng) basert på karakterar frå grunnskulen.
- (3) Dersom søker ikke har nok karakterpoeng til å kome inn på nokon av ønskja sine, vil søker få tilbod om plass ved andre skular som tilbyr dei prioriterte programma ved siste inntaksomgang før skulestart.
- (4) Søkjar som ikke fører opp tre ulike utdanningsprogram, kan bli plassert på andre skular med ledig kapasitet ved siste inntaksomgang før skulestart.
- (5) Etter at fulltidselevar er tatt inn til vidaregående opplæring kan fylkesrådmannen ta inn deltidselevar.

§ 4 Inntak til Vg2 og Vg3

- (1) Søkjar kan prioritere inntil tre programområde som han/ho er kvalifisert til ved innsøking til Vg2 eller Vg3. Innanfor kvart programområde kan det prioriterast inntil seks skular.
- (2) Inntaket vert gjort på bakgrunn av karakterpoeng for kompetansegevande kurs. Ved innsøking til Vg2 vert karakterar frå Vg1 lagt til grunn, og ved innsøking til Vg3 vert karakterar frå Vg2 lagt til

grunn. Søkjar til Vg2 på utdanningsprogramma studiespesialiserande (ST), idrett (ID), medium og kommunikasjon (MK), kunst, design og arkitektur (KDA) og musikk, dans og drama (MDD) har rett til å halde fram på same skule der Vg1 er fullført dersom ho/han har kompetanse fra Vg1 og har søkt som fulltidselev etter inntaksforskrifta. Føresetnaden er at det vert søkt om inntak påfølgjande år, og at den skulen der ho/han har fullført Vg2 på er første prioritet. Til Vg2 musikk ved Langhaugen vgs vert elevar frå Vg1 musikk, dans og drama ved skulen prioritert for inntak saman med søkerarar frå Vg1 ved andre fylkeskommunale skular.

- (3) Dersom søker ikke har tilstrekkelege karakterpoeng til å kome inn på prioriterte programområde og skular, vil søker bli vurdert til andre programområde som ho/han er kvalifisert til, men som ikke er prioritert i søknaden.

§ 5 Inntak til Vg3 studiespesialiserande programområde

- (1) Søkjar til Vg3 studiespesialiserande programområde har rett til å halde fram på same skule der Vg2 er fullført dersom ho/han har kompetanse fra Vg2 og har søkt som fulltidselev etter inntaksforskrifta. Føresetnaden er at det vert søkt om inntak påfølgjande år, og at den skulen der ho/han har fullført Vg2 på er første prioritet.

§ 6 Inntak til Vg1 musikk, dans og drama

- (1) Inntil 50% av søkerane kan takast inn på grunnlag av ei ferdigheitsprøve (inntaksprøve) i tillegg til karakterpoeng.
- (2) Det er berre søkerarar som har sett opp Vg1 musikk, dans og drama (MDD) som sitt første ønskje, som kan framstille seg til ferdigheitsprøve.

§ 7 Inntak til Vg1 idrettsfag

- (1) Inntil 50% av søkerane som har idrettsfag som sitt første ønskje, kan takast inn på grunnlag av dokumenterte ferdigheter (idrettslege kriterier) i tillegg til karakterpoeng.
- (2) Søkerarar som ønsker tilleggsspoeng må sende inn dokumentasjon frå særkrets som stadfestar forholdet. Dokumentasjon skal sendast skulen dei har som sitt første ønskje.

§ 8 Inntak til landslinjer og landsdekkande tilbod

- (1) Søkerane til landslinjer og landsdekkande tilbod skal registrere søknaden i heimfylket. Søkerarar frå heile landet konkurrerer likt ved inntak til landslinjer og landsdekkande tilbod. Inntaket skjer på grunnlag av karakterpoeng frå kompetansegevande Vg1/Vg2.

§ 9 Inntak av elevar med rett til spesialundervisning og som har sterkt nedsett fysisk eller psykisk funksjonsevne

- (1) Fylkesrådmannen avgjer om det ligg føre tungtvegande grunnar for at ein søker som oppfyller vilkåra i forskrift til opplæringslova § 6-17, bør takast inn til ein bestemt skule, sjølv om søkeren ikke har tilstrekkelege karakterpoeng til å kome inn på skulen.
- (2) Søkeren har ikkje rett til inntak på ein bestemt skule.

§ 10 Utvekslingselevar som søker seg inn til Vg3

- (1) Søkjar med opplæringsrett som er elev ved ein skule i utlandet, vert prioritert etter søkerarar som har fullført og bestått Vg2 som fulltidselev ved den prioriterte skulen.

- (2) Dersom det melder seg fleire søkjrar enn det er elevplassar, skal elevplassane fordelast etter poengsum utrekna på grunnlag av karakterpoeng frå Vg1.

§ 11 Endre status frå å vere fulltidselev til deltidselev

- (1) Rektor avgjer om ein søknad frå ein fulltidselev om å bli deltidselev skal imøtekoma. Søknad kan berre imøtekoma når det ligg føre dokumenterte, tungtvegande grunnar, jf. forskrift til opplæringslova § 6-5 tredje ledd. Overskriden fråværsgrunne i eitt eller fleire fag er ein slik tungtvegande grunn.

§ 12 Inntak av deltidselevar til Vg2/Vg3

- (1) Elevar som ikkje oppfyller vilkåra i § 6-28 eller § 6-37, kan i særlege tilfelle likevel takast inn som deltidselevar.
- (2) Det er fylkesrådmannen som tek inn deltidselevar i samband med inntak av elevar.
- (3) Inntak av deltidselevar skjer etter at fulltidselevar er tekne inn.
- (4) Deltidselevar med ungdomsrett vil bli tatt inn før deltidselevar utan ungdomsrett. Ved ledige plassar vil også elevar utan rett kunne bli tatt inn.

§ 13 Omval og å ta fag på nytt

- (1) Elevar som har tatt omval etter opplæringslova § 3-1 fjerde ledd og har halvårvurdering i fellesfag, kan avtale med skulen at dei ikkje vil ta faget på Vg1 på nytt. For å kvalifisere til vitnemål må dei ta faget på Vg2.
- (2) Elevar som har tatt omval etter opplæringslova § 3-1 fjerde ledd og har standpunktakarater i fellesfag, kan velje å ta faget på nytt, jf. forskrift til opplæringslova § 3-17a tredje ledd. Det er siste karakter som vert ført på vitnemålet eller kompetansebeviset, jf. forskrift til opplæringslova § 3-46 femte ledd. Dersom eleven ombestemmer seg i løpet av skuleåret må eleven slutte før 30. april for å behalde den første standpunktakarateren.
- (3) Elevar som har tatt omval etter opplæringslova § 3-1 fjerde ledd og har standpunktakarater i fellesfag, kan søke om å få faget godkjent etter forskrift til opplæringslova § 1-16 dersom dei vil behalde standpunktakarateren og ikkje ta faget på nytt.

§ 14 Å ta fag på nytt utan omval

- (1) Elevar som går innføringsklasse eller kombinasjonsklasse og tek fag frå ordinære læreplanar i vidaregåande, kan velje om faget skal godkjennast etter § 1-16 eller velje å ta faget på nytt i vidaregåande opplæring.

§ 15 Søknadsfrist

- (1) Søknadsfristen er 1. februar for søkerar som fell inn under forskrift til opplæringslova § 6-8 første ledd, og 1. mars for elevar som søker seg inn i det ordinære inntaket, jf. forskrift til opplæringslova § 6-8 andre ledd.
- (2) Søknader frå søkerar med opplæringsrett som vert mottekte etter søknadsfrist, vil berre bli behandla i den utstrekning det er mogleg, jf. forskrift til opplæringslova § 6-8 fjerde ledd. Det er fylkesrådmannen som avgjer dette. I den utstrekning det ikkje er mogleg å behandle søknaden, vil søknaden bli avvist og melding sendt søker.

§ 16 Flytting

- (1) For å vere med i inntaket til vidaregåande opplæring må det vere meldt flytting til Hordaland fylke innan 1. mars.
- (2) Søkjarar som flytter til Hordaland fylke etter 1. mars, kan takast med i inntaket dersom det ligg føre særleg grunn.
- (3) Dokumentasjon om planlagt flytting må sendast til Hordaland fylke innan 23. juni for at søknaden skal kome med i første inntaksomgang.

§ 17 Bruk av retten til vidaregåande opplæring

- (1) Søkjar med lovfesta rett til vidaregåande opplæring (opplæringsrett) brukar ikkje av retten dersom opplæringa utgjer 1/3 eller mindre av timetalet til eit utdanningsprogram eller eit programområde, jf. forskrift til opplæringslova § 6-3.
- (2) Opplæringsretten vert ikkje brukt dersom eleven har slutta før 1. november.
- (3) Elevar med behov for ekstra tid for å kunne nyttiggjere seg retten sin kan i særskilte tilfelle få inntil 2 år ekstra dersom dei kan dokumentere dette, jf. forskrift til opplæringslova § 3-43. Det er fylkesrådmannen som fattar vedtak om dette etter skriftleg søknad. Når elevane får vedtak om å bruke 2 år på same trinn, har dei fortrinn til inntak på same skule.

§ 18 Frammøte første skuledag

- (1) Elevar må møte på skulen 1. skuledag.
- (2) Dersom ein elev uteblir frå skulen 1. skuledag utan gyldig grunn, misser vedkomande skuleplassen. Elevar som møter 1. skuledag, men deretter uteblir dei to neste dagane utan gyldig grunn, misser plassen.
- (3) Ved sjukdom pliktar eleven å gje beskjed til skulen snarast mogleg og seinast innan oppmøtetidspunkt første skuledag om at vedkomande ikkje kan møte. Forholdet må dokumenterast med legeerklæring.

§ 19 Rektor sin rett til inntak av elevar

- (1) Rektor har ikkje rett til å ta inn elevar så lenge fylkesrådmannen sitt inntaksarbeid ikkje er avslutta, eller at dette på annan måte er delegert.
- (2) Etter at fylkesrådmannen har avslutta inntaksarbeidet, vert ansvaret for vidare inntak delegert til rektor. Rektor skal følgje ventelistene som er utarbeidd frå fylkesrådmannen fram til utgangen av august. Frå 1. september vert inntaket rekna som avslutta.
- (3) Når alle søkerar med ungdomsrett på venteliste har fått tilbod om skuleplass, kan rektor gi tilbod til søkerar etter følgjande prioritering:
 1. Søkerar med vaksenrett som står på venteliste
 2. Søkerar med vaksenrett som ikkje står på venteliste
 3. Søkerar med fullføringsrett som står på venteliste
 4. Søkerar med fullføringsrett som ikkje står på venteliste

5. Søkjrarar utan rett som er busett i Hordaland fylke kan takast inn etter at alle søkerar med rett til utdanning har fått tilbod, og det framleis er ledige plassar.

Kapittel 2 Inntak til IB

§ 20 Vilkår for inntak til Vg1 studiespesialiserande med førebuande IB (pre-IB)

- (1) Vilkår for inntak til Vg1 pre-IB er at søkeren har fullført norsk grunnskole eller tilsvarende. Sjå reglane i forskrift til opplæringslova § 6-13 for kva som reknast som tilsvarende og korleis det kan dokumenterast.
- (2) For å kvalifisere til inntak til pre-IB må søkeren ha minst karakteren 4 i matematikk og engelsk, i tillegg til gjennomsnittskarakter på minst 4,5.

§ 21 Rekkefølge ved inntak til Vg1 studiespesialiserande med førebuande IB (pre-IB)

- (1) Dersom det melder seg fleire søkerar enn det er elevplassar, skal elevplassane fordelast etter poengsum utrekna på grunnlag av forskrift til opplæringslova § 6-21. Karakterar frå andre utdanningssystem med annan karakterskala vert rekna om etter ei lineær omrekning, der karakterane frå anna karaktersystem vert vekta mot norsk karakterskala.

§ 22 Inntak til IB Diploma Programme

- (1) Vilkår for inntak til IB Diploma Programme er at søkeren har bestått Vg1 studiespesialiserande med førebuande IB (pre-IB), Vg1 studiespesialiserande, MYP 5/Grade 10 frå IB eller tilsvarende.
- (2) For å kvalifisere til inntak til IB Diploma Programme må søkeren ha minst karakteren 4 i matematikk og 5 i engelsk, i tillegg til gjennomsnittskarakter på minst 4,5.
- (3) Søkjrarar kan verte bedne om å ta ein opptaksprøve dersom det er uklårt om søkeren er kvalifisert.

§ 23 Inntak til 3IB

- (1) IB Diploma Programme er eit kurs over to år med 2IB og 3IB. Det er ikkje ordinært opptak til 3IB, og elevar som er tekne inn på 2IB, kan fortsetta på 3IB. Elevar frå andre IB Diploma Programme «transfer-students» kan søkje inntak til 3IB. Avgjerd om inntak vert teke etter individuell vurdering, der karakternivå og fagsamansetning er sentrale moment.

§ 24 Søknadsfrist til IB

- (1) Søknadsfristen er 1. mars. For søkerarar som flyttar til Hordaland etter søknadsfristen, gjeld reglane i § 16.

§ 25 Søknad til IB

- (1) Søknad skal sendast gjennom VIGO. Søkjrarar som ikkje kan søkje gjennom VIGO, nyttar eige søknadsskjema.

Kapittel 3 Formidling

§ 26 Søknad om formidling av lærepllass

- (1) Fristen for å søkje formidling til lærepllass er 1. februar for lærekandidatar og 1. mars for lærlingar, jf. forskrift til opplæringslova § 6A-4.

- (2) Søknader om formidling til lærepass som kjem etter søknadsfristen, skal behandlast manuelt så langt råd er. Overskridning av fristen må grunngjenvæst skriftleg. Det er fylkesrådmannen som behandler søknadene.
- (3) I den utstrekning det ikke er mogleg å behandle søknaden, vil søknaden bli avvist og melding sendt til søker.

§ 27 Formidling

- (1) Alle søkerar med opplæringsrett vert formidla etter at søknadsfristen er gått ut. Søkerar som ikke er kvalifisert til formidling, vert tekne ut av formidlinga seinast 1. august.
- (2) Søkerar med opplæringsrett som ikke har fått lærepass innan 15. august, skal få tilbod om Vg3 i skule innan 15. september.

§ 28 Bruk av retten til vidaregåande opplæring

- (1) Bruk av rett tek utgangspunkt i forskrift til opplæringslova § 6-3. Retten er brukt når 1/3 av timegrunnlaget av total opplæringstid er bruk opp.
- (2) Dersom læretida er 24 månader ser ein det slik at 1/3 av læringa er fullført i løpet av 6 månader. Desse 6 månadene behøver ikke vere samanhengande i ei bedrift.
- (3) Ved andre opplæringsløp skal læretida reknast ut individuelt.

Kapittel 4 Felles føresegnere

§ 29 Mindre endringar i forskrifta

- (1) Fylkesrådmannen har rett til å gjennomføre mindre endringar i forskrifta.
- (2) Dersom endringane er av ein slik art at dei påverkar elevane sine mogleigheter for inntak til bestemte tilbod, skal likevel endringane behandlast politisk.

§ 30 Ikraftsetjing

Forskrifta tek til å gjelde 1. januar 2016.